

[www.BibleForChildren.org](http://www.BibleForChildren.org)



Naanearü  
ügüchiga 6



Rü ñaa nixĩ i Noéchiga. Rü nüma  
ga Noé rü wüxi ga yatü ga  
mecü nixĩ, rü guxũguma Cori  
ya Tupanaga naxĩnü. Rü  
natanüwa ga yema duũxũgü ga  
yexgumaxũcüü maxẽxũ, rü

nüxicatama nixĩ ga

Cori ya


Tupana

naxwaxexũãcü

namaxũxũ.



Rü Cori ya Tupana rü nüxũ nadau  
ga ñoma ga naane ga nax  
chixexũmaxã napaxũ, yerü  
guxũma ga duũxũgü rü  
chixexũgu namaxẽ.



Rü yema taxũ ga chixexũxũ nax  
nadauxũ ga Cori ya Tupana  
ga ñoma ga naanewa, rü  
yemacaḡ ga Tupana rü Noéxũ  
ñanagürü: —Ñuxma rü marü tá  
chayanaxoxẽxẽ i guxũma i  
duũxũgü erü nagagu

nangẽxma I  
taxũ i máeta i ñaa  
naanewa.



Rü ngẽmacax tá chayanaxoxẽxẽ i ngẽma  
duũxũgũ wũxigu namaxã i guxũma i ñoma i  
naanewa ngẽxmaxũ. ¡Rü naxü ya wũxi ya  
wapuru nawa ya nai ya ãgũne!



¡Rü yaxüarü ucapuãx i naxmachiãgüwa! ¡Rü  
oxwümaxã nawa i nacuchitagü i aixepewa  
rü düxétüwa nax tama yachuruxũcax!



Rü ñaa tá nixĩ i norü ta  
ya yima wapuru: Rü 135  
metru tá nixĩ i norü máx,  
rü 22 metruarü  
ngãxũ tá  
nixĩ i norü


taxmachiã,  
rü 13 metruarü  
ngãxũ tá nixĩ i norü  
máxchane.




¡Rü ñuxmachi nanutaquexe  
i naguxũraũxũ i nawemü rü  
namaxã nanguxũ nax cuma  
rü guxũma i ngẽma naeũgü  
rü ngẽmamaxã  
pexãwemüxũcax!  
— ñanagürü.



Rü ngëxgumarüxü tá ta wapurugu cuyamuü i  
taxrechigü i naguxüraüxü i naeügü i ñoma i naanewa  
ngëxmagüxü, rü wüxi i yatüxü rü wüxi i ngexü  
nax curüxü namaxëxücaḡ.




Rü ngẽma naeũgü i mexũ nax nangõxũ rü tá cuyamue i  
7 chigü i yatüxũ rü ñuxũchi 7 chigü i ngexũ.  
Natürü ngẽma naeũgü i tama mexũ nax  
nangõxũ rü tá cuyamue i wüxitama i  
yatüxũ rü ñuxũchi wüxitama i ngexũ.





Rü Noé rü wüxigu  
nanegümaxã rü  
naxmaxmaxã rü  
naneãxgümaxã guma wapurugu  
nichõũ nax tama dexá nanadaixũcax.





Rü yexguma Noé nüxũ yexmagu  
ga 600 ga taunecü rü wüxi ga  
tauemacü rü 17 ga ngunexũ, rü yema  
ngunexũgutama nixĩ ga yawãixũchíügüxũ  
ga dexá ga mártamawa, rü yawãxnaxũgüxũ  
ga dexá ga daxũguxũ ga naanewa.





Rü 40 ga ngunexũ rü 40 ga chütaxũ  
napuecha ga ñaa naanewa.



Rü yema nax yexeraãcû  
nabaichigüxũ ga dexá rü guma  
wapuru rü ningünagüchigü.



Rü poraãcü nabainagü ga dexá rü yemacaḡ ga guma  
maḡpúnegü rü woo máchanexũchigüne rü inayi. Rü  
yemaacü nayue ga guxũma ga taḡacü ga waixũmüwa  
yexmagüxũ ga maxũáxũ rü ingũãcüxũ.



Natürü ga Tupana rü tama Noéxũ  
inayarüngüma, rü tama nüxũ  
inayarüngüma ga guxũma ga yema  
naeũgü ga wüxigu Noémaxã wapuruwa  
yexmagüxũ. Rü yemacaḁ ga Tupana  
rü nayabuanexẽxẽ, rü  
yema dexá rü  
inanaxügü ga

nax íyaxexũ.





Rü yemawena ga Noé rü  
wüxi ga muxtucuxũ  
ínamuxũchi nax nüxũ  
nacuáxũcaḡ rü aixcũma  
marü yapaane.




Rü norü taxre ga tauemacüarü 27 arü ngunexügu rü  
marü aixcüma nipaane. Rü yexguma ga Tupana rü  
Noéxü ñanagürü: —İnaxüe ya yima  
wapuruwa tümamaxã ya cuxmax  
rü cunegü rü  
cuneãxgü!




Rü yemawena ga Noé rü  
Tupanacaḁ nanaxü  
ga wüxi ga ãmarearü  
guruxü. Rü nayayaxu  
ga ñuxre ga yema  
naxünagü rü naeüügü ga  
ixãpexatüxü ga mexü nax  
namaxã Tupanaxü  
yacuaḁxüxücaḁ.

Rü Cori ya Tupanacaḁ  
nanadai rü yema  
ãmarearü guruüwa  
ínanagu.



Rü ñaa tá nixĩ i  
norü cuaxruxũ i  
ngẽma chorü uneta  
i guxũgutáma  
ngẽxmaechaxũ i  
pemaxã rü guxũma i  
naeũgũmaxã chaxueguxũ.






Rü dücax, rü  
caixanexũwa tá  
chanangoxẽxẽ ya  
yimá chorü chirapa  
nax yimáwa nüxũ  
pecuáxũcax nax aixcũma  
yixĩxũ i ngẽma pemaxã rü

guxũma i ñoma i  
naanewa maxẽxũmaxã c  
haxueguxũ.





Rü ngëxguma  
daxūwa  
chanangoxëëgu i  
caixanexũ, rü yimá  
chirapa rü ngéma tá  
nangox. Rü yimáwa tá  
nūxna chacuaxãchi ga yema

pemaxã rü guxūma i  
naeũgūmaxã  
chaxueguxũ nax  
tagutáma wena  
nangëxmaxũ ya wūxi ya  
mucü ya taxüchicü  
ya pexũ daicü.



Rü Tupana rü ñaa  
mexũ ga dexa Noémaxã rü  
nanegũmaxã naxuegu, rü  
ñanagürü: —¡Pimu rü penapaxẽxẽ  
i ñaa naane!



Rü ñaagü nixĩ ga yema  
Noé nanegü ga guma wapuruwa  
íchoũxũ: Rü wüxi nixĩ ga Chéũ, rü  
to nixĩ ga Cáũ, rü to nixĩ ga Yapéx.  
Rü nüma ga Cáũ rü nüxũ  
nayexma ga wüxi ga nane  
ga Canaáũgu ãégaxũ.



Rü yemagü nixĩ ga  
yema tomaepüx ga Noé nanegü.  
Rü yema Noé nataagüwa rü  
wenaxarü nimu ga duũxügü ga  
ñoma i naanewa.



Rü Tupana rü  
poraãcũ nũxũ  
nangechaũ i ñoma i naanecũãx i  
duũxũgũ. Rü yemaca\_x inanamu ga Nane  
ga nũgũmaxã wũxicacũ nax guxãma ya  
texé ya nũxũ yaxõgũxe rü tama  
itarũtauxexũca\_x rü tũxũ  
nangẽxmaxũca\_x i maxũ  
i taguma gũxũ.



Popera ga Rómawa yexmagüxü ga yaxõgüxütanüwa  
namuxü ga Pauru 3:23 Rü guxãma rü pecadu taxü rü  
ngẽmacax nüxna tayáxügugü ya Tupana ya üü necü.

Popera ga Rómawa yexmagüxü ga yaxõgüxütanüwa  
namuxü ga Pauru 6:23 Rü natanü i ngẽma pecadu tüxna  
ãxü, rü yu nixĩ. Natürü ngẽma ãmare ya Tupana tüxna ãxü  
rü maxü i taguma guxü nixĩ i ngẽxguma tórü Cori  
ya Ngechuchuaxü yaxõgügu.

Popera ga Yudíugü ga yaxõgüxücax ümatüxü 9:27 Rü  
ngẽxgumarüxü nax wüxicanatama nayuexü i duüxügü rü  
ngẽmawena Tupana tá nüxü nicagü, rü yexgumarüütama  
ga Cristu rü wüxicanatama nügü inaxã rü nayu nax  
naxütanüxücax i muxüma i duüxügüarü pecadugü. Rü  
nüma ya Cristu rü wena tá núma naxü, natürü tama  
pecaduarü ütanüwa. Rü tá núma naxü nax  
namaxẽxẽãxücax i guxüma i duüxügü  
i aixcüma ínanguxuxẽëgüxü.



Popera ga Epéchiuwa yexmagüxü ga yaxõgüxütanüwa  
namuxü ga Pauru 2:8,9 Rü Tupanaarü ngechaügagu  
penayaxu i maxü i taguma gúxü yerü peyaxõgü. Rü ngëma  
maxü rü tama pegünatama penaxã, natürü Tupana nixĩ ga  
pexna naxãmarecü ga yema. Rü tama taxacü i mexü i  
pexüxügagu nixĩ i pexü nangëxmaxü i ngëma maxü, natürü  
Tupana nixĩ ya pexna naxãmarecü nax ngëmaãcü  
taxúema tügü icuaxüxücax.

Popera ga Rómawa yexmagüxü ga yaxõgüxütanüwa  
namuxü ga Pauru 10:9,10 Erü ngëxguma cuaxmaxã nüxü  
quixuxgu nax curü Cori yixixü ya Ngechuchu, rü ngëxguma  
cuyaxõxgu nax yuwa Tupana ínadaxëëxü, rü tá cuxü  
nangëxma i maxü i taguma gúxü. Erü ngëxguma  
Ngechuchuaxü yaxõgügu nixĩ nax Tupanapexewa imexü.  
Rü taaxmaxã nüxü tixu nax tórü Cori yixixü ya Ngechuchu,  
nax ngëmaãcü nayaxüxücax i maxü i taguma gúxü.



Ore i mexũ ga Cuáũ ümatũxũ 3:16,17 Rũ Tupana rũ poraãcü nüxũ nangechaũ i ñoma i naanecüãx i duũxũgũ. Rũ yemaca\_x inanamu ga Nane ga nügũmaxã wüxicacü nax guxãma ya texé ya nüxũ yaxõgũxe rũ tama itarũtauxexũca\_x rũ tüxũ nangẽxmaxũca\_x i maxũ i taguma gúxũ. Yerũ ga Tupana rũ tama ñoma ga naanewa nanamu ga Nane nax poxcu duũxũgũmaxã naxueguxũca\_x. Natürũ núma nanamu ga Nane nax duũxũgũxũ namaxẽxẽxũca\_x.

Nüxíraxũxũ ga popera ga Cuáũ ümatũxũ 5:11-13 Rũ yema Tupana nüxũ ixuxũ ga ore nixĩ nax nüma rũ tüxna naxããxũ i maxũ i taguma gúxũ. Rũ ngẽma maxũ i tüxna naxãxũ rũ Nanegagu tüxũ nangẽxma. Yíxema nüxũ yaxõxe ya Tupana Nane rũ tüxũ nangẽxma i ngẽma maxũ i taguma gúxũ. Natürũ yíxema tama nüxũ yaxõxe ya yimá Tupana Nane rũ tama tüxũ nangẽxma i ngẽma maxũ. Pa Chauenexẽgũx ya Tupana Naneaxũ Yaxõgũxex, pexca\_x chanaxümatü i ñaa ore nax nüxũ pecuáxũca\_x nax pexũ nangẽxmaxũ i maxũ i taguma gúxũ.



# Naanearü ügüchiga 6 – 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Ticuna Bible (tca) © 2022, Wycliffe Bible Translators, Inc. All  
rights reserved.

<https://www.bible.com/bible/289/GEN.1.TCAP>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

